

## ՔԱՂԱՔԱՑԻՆՆԵՐԻ ԸՆԴՈՒՆԵԼՈՒԹՅՈՒՆ ԳՈՐԱՅՔՈՒՄ

Հունվարի 25-ին Սյունիքի մարզպետ Մելիքսեթ Պողոսյանը Գորայք համայնքում կատարել է քաղաքացիների ընդունելություն, որին մասնակցում էին նաև համայնքի ղեկավարը եւ մարզպետարանի տարբեր ոլորտների պատասխանատուները:

Ընդունելությանը ներկայացել է 12 քաղաքացի:

Դրամական օգնություն ստանալու խնդրանքով դիմել էր յոթ, ջրամատակարարման եւ կարկուտի հասցրած վնասի փոխհատուցման, ջրագծի վերականգնման եւ մսի մթերման կազմակերպման, վարկի մարման ու արոտավայրի, վարկի կասեցման, հողի սահմանների ճշտման հարցերով՝ մեկական քաղաքացի:

Դրամական օգնության դիմումներից չորսին տրվել է դրական լուծում, մեկ դիմում գտնվում է ուսումնասիրման փուլում, երկու դիմում մերժվել է:

Մարզպետարանի համապատասխան ստորաբաժանումներում մարզպետի հանձնարարությամբ ուսումնասիրվում են ջրամատակարարման եւ կարկուտի հասցրած վնասի փոխհատուցման, ջրագծի վերականգնման ու մսի մթերման կազմակերպման, արոտավայրի եւ վարկի մարման, վարկի կասեցման, հողի սահմանների ճշտման վերաբերյալ դիմումները: